



Reglamaint da jokers (singuls dis) e congedis (vacanzas) per las scoulas e scoulinas dal cumün da Zernez

Princip:

La scoula e la scoulina ha da gnir frequentada regularmaing tenor l'artichel 7 da la ledscha da scoula chantunala dal Grischun sco eir tenor l'artichel 4 da l'ordinaziun da scoula.

Cumpetenzza da congedis:

Tenor l'artichel 28 da la ledscha da scoula chantunala po il portader da scoula decider davart congedis fin maximalmaing 15 dis l'on. In quists 15 dis sun cuntgnüts 3 dis da joker chi pon gnir determinats dals genituors.

S-chalin da cumpetenzza	total dis l'on	cura inoltrar
genituors	6 mezs dis (jokers)	1 eivna avant
mainascoula	1 fin 15 dis (congedi)	avant las vacanzas d'utuon
inspectorat da scoula	davent dal 16avel di	uschè bod sco pussibel

Reglamaint da jokers e da congedis:

Ils dis da joker dessan gnir retrats be per occasiuns specialas, perche minch'absenza disturba l'andamaint da scoula – pel scolar, pels conscolars sco eir pel magister o la muossadra.

Il formular da joker sto gnir inoltrà almain ün'eivna avant al magister da classa o a la muossadra da scoulina cun motivaziun da l'absenza. Aintra la dumonda cun retard, ston ils genituors motivar quai in scrit al magister da classa o a la muossadra da scoulina ed al mainascoula.

Il formular da congedis (fin 12 dis) sto gnir inoltrà avant las vacanzas d'utuon al mainascoula a man dal cussagl da scoula. Scha'l congedi pertocca il temp avant las vacanzas d'utuon sto gnir inoltrà il formular almain ün mais avant il congedi.

Il scolar infuorma a bocca a tuot ils magisters da rom davart si'absenza, sia quai absenzas da joker o da congedi. Ils genituors güdan ad evitar cha'ls scolars piglian dis da joker be per tils "dovrar sü".

Materia da scoula, lezchas e lavurs ston gnir tuts davo in aigna respunsabilità e redschia o cun agüd dals genituors. Dis da joker nu pon gnir surportats sün ün nouv on da scoula. Manca ün scolar da la scoula sainza s-chüsa valabla (per telefon o in scrit), pon gnir strichats dis da joker. Dis da joker pon implü gnir strichats sco masüra disciplinara.

Als seguaints dis nu pon ils scolars retrar dis da joker: Prüm ed ultim di da l'on da scoula, occurenzas specialas da scoula (Nadal, Chalandamarz, dis da sport, viadis da scoula, eui.).

Maladöver:

Tenor l'art. 96 da la ledscha da scoula chantunala pon genituors chi nun observan ils dovairs tenor l'art. 68 gnir chastiat cun üna multa fin 5'000 francs. La magistraglia es obliada dad annunzchar al mainascoula absenzas na permissas



Formular da jokers

Quist formular sto gnir inoltrà almain 1 eivna avant mincha di da joker al magister da classa o a la muossadra da scoulina, motivà e suottascrit dad ün dals genituors resp. dad ün rapreschantant legal.

Materia da scoula, lezchas e lavurs ston gnir tuts davo in aigna responsabilità e redschia o cun agüd dals genituors. Il scolar es sves responsabel da surgnir il material e las lezchas per cumanzar darcheu la scoula!

Nom, prenom e classa dal scolar:

Survista dals Jokers (mezs dis) per l'on da scoula _____

Joker nr :	Data joker:	Motiv per tour ün joker:	Suottascripziun genituors/rapr. legal:	Suottascripziun magister/muossadra:
1				
2				
3				
4				
5				
6				

Scha üna dumonda da joker nu po gnir acceptada vegnan ils genituors contactats dal magister da classa, da la muossadra da scoulina o dal mainascoula.



Formular da congedis

Quist formular sto gnir inoltrà al mainascoula a man dal cussagl da scoula avant las vacanzas d'utuon, motivà e suottascrit dad ün dals genituors resp. dad ün rapreschantant legal. Scha'l congedi pertocca il temp avant las vacanzas d'utuon sto il formular gnir inoltrà almain ün mais avant il congedi.

Dumondas da congedi chi aintran davo las vacanzas d'utuon nu vegnan per regla resguardadas.

Scha la dumonda da congedi vain inoltrada cun motiv cha'ls genituors nu pon retrar lur vacanzas d'urant las vacanzas da scoula, sto in mincha cas gnir aggiunt üna conferma dal patrun da lavur.

Materia da scoula, lezchas e lavurs ston gnir tuts davo in aigna responsabilità e redschia o cun agüd dals genituors. Il scolar es sves responsabel da surgnir il material e las lezchas per cumanzar darcheu la scoula!

Nom/prenom/classa dal scolar: _____

Data e d'urada dal congedi: _____

Telefon ed adressa da mail per dumondas: _____

Motiv per il congedi d'urant il temp da scoula:

Es già gnü concess a l'uffant d'urant seis temp da scoula o da scoulina ün congedi?

schi na in cas da schi → p.pl. indichar data e d'urada dal congedi:

Data e suottascriziun genituors/
rapreschantant legal: _____

Agiuntas: conferma dal patrun da lavur _____

Remarchas magister da classa/muossadra/mainascoula: